

Kristoni Namchik



Amazing Facts
Poraiani

23



Uano be-en ansan ba mondoli donga ine Sastro agana, jeonan Jisu An-tangni bon-kamani somoio donggipa manderangko okamenga – Kristoni namchik. Mitamrangnade, ian chanchiatna amgijani ong-a maina da-alo hajal mondoilirang donga jerangan an-tangtangko Kristian ong-a ine okamenga. Aganbewalani gitade, sakantian an-tangtangko Isolni mondoli ong-a ine kange ra-a, indioba Sastroni gita agangenchimode, bebera-anio aro dakbewalo uamang sakantian apalen dingtanggrikani donga. Kakketao bebeko am-gipa mandenade sakprakprakni kange ra-aniko sandinade ong-na amgijani ong-a. Jeba ong-bo, an-ching mitelna man-a je Jisu Uni mondoliko chu-gimik ong-e talatanichi an-chingna ia neng-nikaniko namataha jechin an-ching altuabeen u-ina man-a! Ua agantalatani, rongtalani aro bilakaniko **Parape-a 12 aro 14** o nikna man-a, aro ian nang-ko aiao inmagipa bebe ong-anirangchi gisikko ka-srokatgen jean nang-ko bon-kamani somoirango dakchakgen.

U-ie ra-bo: la dingtangatna man-gipa bebe onganirangko u-ie ra-aniko dakna skang ka-sapae **Parape-a 12:1-17** ona poraichengbo.

1

Maia katchinikani chinch Jisu An-tangni chong-motgipa mondoliko mesoka?

“Anga Zionni demechikko nitogipa aro namgipa me-chik baksa toaha” (**Jeremia 6:2**). “An-ching katchana aroa ka-srokna, aro una rasongko on-na; maina Mes Bi-sani bia ka-ani sokbaaha, aro uni me-chik an-tangko tarisoaha. Aro ching-gipa rongtalgipa se-enchipchipko ganchina una on-aha; maina ua se-enchipchip rongtalgiparangi kakket dakanirang ong-a” (**Parape-a 19:7, 8**).

Aganchakani: Anching Poraiani Lesson 22 skie raaha je Jisu An-tangni chong-motgipa mondoliko (Zionni demechik) rongtalgipa me-chik aro tol-gipa, kakketgijagipa mondoliko dari kamchi mesokaha. (**2 Korinthirangna 11:2; Ephesurangna 5:22, 23; aro Isaia 51:16 rangko nibo**).



2

Parape-a 12:1 o Jisu Antangni mondoliko “salko gangipa” “aro uni ja-arangni ka-mao jajong,” aro uni skoo aski rongchignini mukut” ko gangipa me-chikchi mesokaha. la chinrangni miksonganiara maia?

Aganchakani: Salara Jisuko, Uni nama katta, aro Uni toromi onganiko mesoka. “Maina Jihova Isol sal” (**Gitrang 84:11**). (**Malaki 4:2 koba nibo**). Jisu gride janggi jokani dongja (**Watatarang 4:12**). Una bateba, Jisu An-tangni mondoliko Uni dongpaanichi aro rasongchi gapataniko nangnika. “Uni ja-arangni ka-mao jajong” ian Niam Gitchamni hom bolini on-ani dakbewalrangko mesoka. Jajong salni teng-aniko man-a gita, hom boli on-anirangara gisikni bidingo janggi tangna dachakani ong-a maina ian Messaiani re-bagniko mesoksoa (**Ibrirangna 10:1**). “Aski rongchignini mukut” ara sninggipa sak chignini kamko mesoka, jean Niam Gitalni a-bachenggipa bilsirango mukut stikakatako man-aha.

3

Uni ja-mano, katchinike aganania agananiko daka je me-chikara biolo gngangchim jean salsao pilak jatrangko silni gol-dikchi sason ka-gen. Uni ja-mano ua “depanteko an-pakaha, aro ja-mano Ua Isolni salgini singhasonona rimdoako man-aha (Parape-a 12:1, 2, 5). la bi-sara sawachim?

Aganchakani: la bi-sara Jisuan ong-achim. Ua salsao silni gol-dikchi pilak jatrangko sason ka-gen (**Parape-a 19:13-15; Gitrang 2:7-9; Johan 1:1-3, 14**). Jisu, jean an-chingni paprangna sichakachim, siaoni chakatpilaha aro salgiona gadoangaha (**Watatarang 1:9-11**). An-chingni janggi tanganirango Uni chakatpilani bilan An-tangni manderangna Jisuni nangchongmotgipa on-anirangoni mingsa on-ani ong-aha (**Philippirangna 3:10**).



4

Parape-a 12:3, 4 o “dal-gipa drakon gitchakgipa” ni gimin agananiko daka jean “Depanteko” mitchiaha aro Uko Uni atchiani somoio so-otna jotton ka-aha. (Na-a ia drakonni gimin Poraiani Lesson 20 oniko gisik ra-atenggen). Ia drakonara sawachim?

Aganchakani: Ia drakonara Satan ong-achim, jean salgioni galonatako man-aha (**Parape-a 12:7-9**) aro jean songsarek Rome songnokchi Jisuni atchiani somoio kamko ka-engachim. Je sason ka-gipa Jisuko atchiani somoio so-otna jotton ka-ahachim, uan Herod ong-achim, uan songsarek Romeni raja ong-a. Ua uarangoni saksa Jisu ong-na ka-donge pilak Bethlehemni me-a bi-sarangko so-ottokaha (**Mati 2:16**).

5

Drakonni “Sko dotsni” aro “grong gongchikkung” aro “salgini askirangni bak gitamni bak sako” a-aona galonataha inani miksonganiara maia?

Aganchakani: “Sko dotsni” ara Romeni songnokko rikgipa a-bri tots nirangko mesoka (**Parape-a 17:9, 10**). Da-ode an-ching an-chingni Poraiani Lessono changgittamna kingking sko dotsni aro grong gongchikkung donggipa matburungi gimin nikna man-aha (**Parape-a 12:3; 13:1; 17:3**). “Grong gongchikkung” sorkarirangko ba songnokrango mesoka jean Isolni manderangni aro mondolini kosako mongsonggipa bilrangna uamangni dachakaniko aro sinjetaniko mesoka. Songsarek Romeni sason ka-ani bilsirango (**Parape-a 12:3, 4**), uarang ka-namgijagipa dol 10 jatrangko mesokaha jerangan popeko Rome songnokko (**Daniel 7:23, 24**) ka-sine ka-sine ra-onna dachakaha aro kamko ka-aha. Ia jatrang ja-manode modern Europe ong-baskaaha. Bon-kamani salrangko, uarang bon-kamani somoio dol dake bakrimgipa a-gilsakni pilak songnokrango mesoka

(Parape-a 16:14; 17:12, 13, 16) jean “Dal-gipa Babylon” ko uni Isolni manderangni kosako dagrikario chakpagen. “Salgini askirangni bak gittamni baksa” ra Luciferko salgio uni dagrikario chakpagiparang ong-a aro jerangkon unbaksa a-aona galonataha (Parape-a 12:9; Luk 10:18; Isaia 14:12).

Nipilate Nigopatani

Da-o dipetde, katchinike aganani Sastroni chong-mot ong-anirangni gimin iaranko matchotaha:

1. Isolni chongmotgipa mondoliko rongtalgipa mechikchi mesoka.
2. Jisu mondoliona atchiatako man-aha.
3. Satan, songsarek Romeni rajachi Jisuko so-ota jotton ka-aha.
4. Satanni miksonaganiara chu-sokjaha.
5. Jisuni salgichina gadoanganiko mesokaha.



6


Satan an-tangni miksongani gita Jisuko nisiaatna man-jahaon maiko dakaha?

“Ua me-asako an-pakgipa me-chikko a-rikaha”
(Parape-a 12:13).

Aganchakani: Ua Jisuko nisiaatna man-jahani gimin, ua Isolni mondoli aro Uni manderangni kosako ka-o nangaha aro a-rikaha.

Mingdok cholrangchi U-ina Man-ani

Parape-a odhai 12 aro 14 rango, Jisu an-ching mingdok chinrangchi Uni bon-kamgipa somoini mondoliko u-ina jakkalaha. Na-a bangki dongspa Poraiani Lessonrangko poraion uaranko namedake nibo.



7

Parape-a 12:6, 14 o, maiko me-chik (mondoli) an-tangko naljokatna dakaha, aro maiko “bakra” minga?

Aganchakani: Pod 6 aro 14 rango indake agana, “ua mechik bakraona katangaha,” jeon ua “bilsisa, bilsigni aro adha bilsina (ba 1,260 bilsirangna) Satanni ka-o nangaoni alduako man-aha – jean songsarek Romechi kam ka-engachim. “Gangpong ge-gni” ara Isolni mondolina uni “bakrao” ong-miting somoio on-gipa alduani aro dakchakaniko mesoka (Reongkata 19:4; Deuteronomy 32:11). Bakrao somoiko jakkalaniara 1,260 bilsina popeni sason ka-ani aro a-rikani baksa apsan ong-a (AD 538 oni 1798 na) jekon changni changan Sastroni katchinike aganano janapaha. Gisik ra-atbo, katchinike aganano salsara bilsisa ong-a (Ezekiel 4:6).

"Bakra" ingipa kattara aani sikdikdikgipa biaprangko miksonga (A-brirang, rong-kolrang, bolgrimrang, aro gipinrang) jeon Isolni manderang dongnuaha aro nisiataoni joke kataha **(Ibrirangna 11:37, 38)**. Waldenserang, Albigerang, Huguenotrang, aro banga gipinrang. Isoln manderang (Uni mondoli) uamang popechi a-riksanalani somoio katjagenchimode aro dongnujaode chu-gimikan gimaattoksrangako man-gnokchim. (Bilsa 40 ni gisepo, Jesuitrangni hukumko onani abachengo, 1540 bilsioni 1580 bilsiona hajalskuk janggirang nisiatako mantokaha. Bilsa 30ni gisepo, hajal ritchasa sotbonga janggirang Sandianiko dakanio gimaataniko man-aha¹. 50 million manderangni gita, 1,260 bilsirangni somoio uamangni bebero-anina sina nangaha. la bilsirango Isolni mondoli pilakni ra-chakna man-gipa dol ongjaha. AD 538 oni 1798 ona tange donggenchimoba ge-sa dol ong-a ine mesokna man-jaha. 1,260 bilsirangni jamano, jensalo uamang donuaoni onkatbaoba, watatarangni mondoli onge apsan skianion aro cholon bewalon dongkuaha, jeon "bakraona" AD 538 o napangaha.



Parape-a 12:6 ni 1,260 salrangara popeni sason ka-ani 1,260 bilsirangko agana jekon Sastroni katchinike aganania janapronganiko dakaha.

An-ching dao an-chingni skanggipa rokom gni dake u-ie ra-na man-aniko nikna man-aha jeon Jisuni bon-kamgipa somoini mondoliko mesokaha:

1. **Ian AD 538 aro 1798 ni gisepode jinmani ra-chakgipa dol dongjawa.**
2. **Ian 1798 bilsini ja-manosa ong-katgen aro an-tangni bon-kamgipa somoini kamko ka-gen.**



Isolni bang-a manderang rakgipa a-riksanalani joke katna United Statesona katangtokaha.

Uano bang-a chong-motgipa, ka-sagipa Kristianrang mondolirango dongaha jerangan 1798 bilsina skangan pilakni ra-chakani ong-e dongsoaha. Indiba ia mondolirangoni ge-saba Isolni bon-kamgipa somoini mondoli ong-na man-jaha jeonan Jisu pilak An-tangni manderangko okamaha maina Jisuni bon-kamgipa somoini mondolide 1798 bilsini ja-manosa ong-katna nanggenchim. Iani ortode bang-a misinggipa Protestant mondolirang Isolni bon-kamgipa somoini mondoli ong-na man-ja maina uarang 1798 bilsina skangan dongsoahachim.

8

Parape-a 12:17 o, Isol An-tangni bon-kamgipa somoini dongpitigipa mondoliko okamaha. "Dongpitigipa" kattara maiko miksongaha?

Aganchakani: Ian bon-kamgipa dongspa ine miksongani ong-a. Ian Jisuni mondolini gimin agana, ian Uni bon-kamgipa salrangni mondoli ong-a ine miksonga, jeon Sastroni kattarangko pangchakaha, aro watatarangni mondoli ong-ahachim.

Ba-rani dongspara skanggipa ba-rani bon-kamgipa bak ong-a. Uan skanggipa ba-ramung apsan ong-a aro melia.



9

Parape-a 12:17 o, maia minggipin minggni talataniko Jisu An-tangni bon-kamgipa somoini dongpitigipa mondolina on-aha?

Aganchakani: Uan Niam Mingchikkungni pilak ge-etaniranko rakkigen, iano brigipa ge-etani, chong-motan antini snigipa sal Neng-takani salkoba man-gopaha (**Johan 14:15; Parape-a 22:14**). Uano "Jisuni saki" ba donggen, jekon Sastroo katchinikani gisik ine an-chingna aganaha (**Parape-a 19:10**). (Katchinike aganani gimin chu-gimik ma-sina Poraiani Lesson 24 ko nibo.)

An-ching da-o Jisuni bon-kamani somoio dongpitigipa An-tangni mondolini gimin minggni agananirangko nikaha:

3. Uan Isolni ge-etanirangko aro Uni snigipa sal, brigipa ge-etani, Neng-takani salkoba rakkigen.
4. Uno katchinikaniko on-ani donggen.

Gisik ra-bo je kakketgipa Kristian dolrang mondolirango donggenoba uamang Neng-takani Salko rakkigijaode ba katchinike aganani on-ani dongjaode, ia mondolirang bon-kamani somoio Isolni dongpitigipa mondoli ong-na man-jawa jeonan Jisu bon-kamani salo dongenggipa Kristianrangko okamenga maina Isolni bon-kamgipa somoini mondolide Isolni pilak ge-etanirangko rakkigen aro katchinike aganani gisik donggen.



10

Isolni dongpitigipa mondolina maia bon-kamgipa minggnichi u-ina man-aniko Parape-a ki-tapo on-aha?

Aganchakani: Mingdokoni bon-kamgipa minggnirangara:

5. Uan a-gimiknan nama kattako skiprakgipa mondoli ong-gen (**Parape-a 14:6**).
6. Uan **Parape-a 14:6-14** ni sa-gre sagittamni nama kattarangko skiprakgen jekon ka-mao kan-dike nigopataniko dakaha.
- A. Isolni bichal ka-ani somoi ong-engaha. Uko olakkibo! Isolni bonkamgipa somoini mondoli 1844 bilsionin sandie bichal kaani ongengaha ine skiprakna nanggen (Poraiani Lesson 18 aro 19 ko nibo). Uan manderangko "salgi aro a-ako, sagal aro chini chimikrangko Dakgipako" olakkichina okamenga (**Parape-a 14:7**). Maikai an-ching Isolko Ong-atgipa dake olakkigen Isol aganchakaniko brigipa ge-etanio seaha. "Uko rongtala ine rakkina neng-takani salko gisik ra-bo ... maina sal doko Jihova salgi, aro a-ako, sagalko, aro uarango donggipa pilakkon dakaha, aro snigipa salo Ua neng-takaha. Uni gimin Jihova neng-takani salko pattiaha, aro uko rongaltalataha (**Reongkata 20:8, 11**). Uni gimin skanggipa sa-greni nama kattara Uni snigipa sal Nengt-akani Salko rongtale rakkie Isolko Dakgipa Rugipa ong-a ine gisik ra-na aro olakkichina pilakkon ge-etaha.



Isolni dongpitigipa
mondolide a-gilsak
gimikon sa-gre
sagittamni nama
kattarang skiprakna
nangen.

- B. Gaakgimin Babylonni mondolirangoni onkatbana nangen.
- C. Matburungko olakkinabe ba uni chinko ra-nabe, jean Neng-takani Salni palo Robibar salko rongtalgipa sal ine donskaaha. Pilak tol-a skianirangna mikrakbo.

Hai da-ode mingdok chanchianirangko nipilatna jekon Jisu an-chingna Uni bon-kamani salni dongpitigipa mondoliko u-ina on-aha.

- 1. lan AD 538 aro 1798 gisepo ra-chakna man-gipa dol ong-e dongjachim.
- 2. lan 1798 bilsini ja-manosa ong-katbagen aro uni kamko ka-gechim.
- 3. lan snigipa Neng-takani Sal baksa Ge-eta Niam mingchikkungko rakkigenchim.
- 4. Uno katchinike aganani gisik donggen.
- 5. lan a-gimikna nama kattako aganpragkipa mondoli ong-gen.
- 6. lan **Parape-a 14: 6-14** ni Jisuni sa-gre sagittamni nama kattarangko skigen aro aganpragken.

11

Da-ode an-ching Jisuni Uni bon-kamgipa somoini mondoliko mingdok u-ianirangchi ma-sina man-aha, indide Jisu an-chingko maiko dakchina, aro maidakgipa biterang baksa dakchina aganaha?



Aganchakani: "Am-bo, unon na-simang nikgen" (**Mati 7:7**). Jisu nang-na ia mingdok dingtangmancha u-ie ra-anirangko on-aha aro agana, "Angni mondoliko re-ange am-ebo." Jerangan salginirangko am-engu uarango man-gen ine Ua ku-rachakaha.

12

Badita mondolirang ia mingdok u-ie ra-anirangna meligipa ong-a?

Aganchakani: Jisu indakgipa dingtangmancha u-ie ra-aniko on-aha je uaragara mondoli ge-sanasan ong-aha. Jisu namedake uina mangija dake onjaha, jedake, “Uano bang-a namgipa manderang Angni mondolio donggen” aro “Uano mitamrangde gisiko cha-chipilgiparang donggen.” Badita ge mondolirang ua minggni chanchianirangna meligen? Gimiknan. Ua minggni chanchianirangde noksiko donggipa gala mal dokan aro jillarango donggipa clubrangnaba meligen! Uarang gimiknan meligenchim, aro ian mamungba orto dongja. Iani palo, Jisu dingtangmancha, talatanirango on-e mesokaha, je uarang ge-sa mondolinasa meligipa ong-aha aro ge-sanasan mangmang ong-aha – Seventh-day Adventist Mondoli. Hai an-ching u-ie ra-anirangko changgnina nipilate nitaina.



Seventh-day Adventist Mondoli:

1. AD 538 aro 1798 ni gisepgriko ra-chakna man-gipa dol ong-jaha.
2. 1798 bilsu ja-manosa ong-kataha. Iani 1840 bilsu jolrangosa a-bachengaha.
3. Brigipa ge-etani – Isolni snigipa Neng-takani Salko man-gope, Ge-eta Mingchikkungko rakkia.
4. Uno katchinikani gisikni on-ani donga.
5. A-gimikna nama kattako aganprakgipa mondoli ong-a, da-alo pilak as-ongrango ong-nasipile kam ka-enga.
6. **Parape-a 14:6-14** o Jisuni agangipa minggittam nama kattako skienga aro aganprakenga.

Jisu nang-ko ia mingdok u-ie ra-anirangko ra-china aganenga aro an-tangna sandianiko dakbo. Iani altuagipa ong-a. Na-a watchangna man-jawa.

U-ie rabo: Ka-sapae gisik ra-bo uano bang-a ka-sagipa Kristianrang mondolirango donga jerangan ian chanchianirang melina man-ja. Indakgipa mondoli Isolni bon-kamgipa somoini dongpitigipa mondoli ong-na man-ja jeonan Ua pilak manderango da-alo okamenga.



13

Jisuni dedrangrangni saksa Uni ka-saan gapgipa mikrakatanina okamaniko knachakani ja-mano aro Babylononi ong-katahaon (Parape-a 18:2, 4), uni ja-mano Jisu uko maiko dakchina aganaha?

“Be-en sano na-simang okamako man-aha” (Kolosirangna 3:15). “Aro Ua [Jisu] be-enni, chong-motan mondolini skotong ong-a” (Kolosirangna 1:18).

Aganchakani: Sastro agana je Isolni manderango be-en sano, chong-motan mondoliko okamaha. Jerangan Babylonko wate rebaaha dongpitigipa mondolio bak rachina Jisu aganaha – jenin Ua skotong ong-aha. Jisu aganaha, “Ia noloni ong-gijagipa angni gipin mesrang ngang” (Johan 10:16). Ua uamangko Niam Gitchamo “Angni

manderang” (**Isaia 58:1**) Aro Niam Gitalo (**Parape-a 18:4**) ineba okamaha. An-tangni nolo (mondoli) ong-gija a-palo donggipa Uni mesrangna, Ua aganaha, “Ia noloni ong-gijagipa angni gipin mesrang gnang. Uarangkoba anga mobana nanga, aro uarang angni ku-rangko knagen, aro jaksaan, nirikgipa saksan ong-gen ... Angni mesrang angni ku-rangko knara, aro uamang angko ja-rika” (**Johan 10:16, 27**).

14

Maikai mandeara ua be-eno, ba mondolio napna man-aha?

“Maina an-ching Jihudirang ong-bo Greekrang ong-bo, pilakan Gisik saksano be-en an-sanna baptize ka-ako man-aha” (**1 Korinthingna 12:13**).



Aganchakani: An-ching Jisuni bon-kamgipa somoini dongpitigipa mondolio napbolachi napaha. (Poraiani Lesson 9 ko chu-gimik ma-sina nibo).

15

Jisuo sangipa dongpitigipa mondoli dongaia ine Sastroo gipin saki dongama jeonan Ua An-tangni pilak manderangko okamenga?

Aganchakani: Oe – donga. Hai an-ching nipilate nina:

- A. Uano be-en an-sansan, ba mondoli ge-sasan donga (**Ephesurangna 4:4; Kolosirangna 1:18**).
- B. Sastro agana an-chingni salara Noahni salo gita ong-a (**Luk 17:26, 27**). Noahni salo joke katna badita chol ramarang donga? Cholsasan – Ring. Da-aloba, changsatai, Isol ringko on-aha, uan mondoli ong-a, jean Uni manderangko naljoke a-gilsakni bonkamgipa obostarangoni jokna man-gen. Ia ringko gimaatnabe!

16

Isolni dongpitigipa mondolini gimin maia namgipa kobor donga?

Aganchakani:

- A. Ian mongsonggipa pangchakanide “jringjrotni nama kattaan” ong-a – uan, Jisusan bebera-achi toromi ong-ani (**Parape-a 14:6**).
- B. Uko Jisu, Rong-brako rikaha (**1 Korinthingna 3:11; 10:4**), aro “uko a-ningni dogarang amjawa” (**Mati 16:18**).
- C. Jisu An-tangni mondolina sichakaha (**Ephesurangna 5:25**).
- D. Jisu An-tangni mondoliko namedake talataniko dakaha je iako altuabee u-ina man-a. Ua ga-akgimin mondolirangkoba talataniko dakaha aro An-tangni manderangko uoni ong-katbachina okamenga. Satan Jisuni ka-sae okamanina an-tangtangni mikronrangko aro ka-tongrangko chipchanggiparangkosan ja-gao ke-atgen.
- E. Skianirang pilakan bebe ong-a (**1 Timothy 3:15**).



17

Isolni dongpitigipa manderangni gimin maia namgipa kobor donga?

Aganchakani: Uamang:

- A. Uni salginini songnokona jokatako man-gen (Parape-a 15:2).
- B. Jisuni, "bil" aro "an-chi" chi diabolko chegen (Parape-a 12:10, 11).
- C. Chakchikani donggen (Parape-a 14:12).
- D. Jisuni bebera-a donggen (Parape-a 14:12).
- E. Rasongni jakgitelaniko man-gen (Johan 8:31, 32).



18

A-gilsakni somoirang namen bakkan-dikbejok. Sa-gre sakgittamni nama kattani ja-mano (Parape-a 14:6-14) Jisuni gnigipa re-bapilani bakbakan ong-gen. Jisuni An-tangni manderangko bak bak dakchina da-o mol-molaniara maia ong-genchim?

"Na-a aro nang-ni nokgimik ringona naptokbo"
(Abachenga 7:1).

Aganchakani: Noahni salo, sakchet manderangsan (Noahko man-chape) Isolni okamanina knachakaha. Jisu Uni bon-kamgipa somoini, dongpitigipa mondolini ringni do-gacholo, nang-na sengtime dongenga.

U-ie ra-bo: Ian chingni Parape-a 14:6-14 o sa-gre sakgittamni nama kattani gimin chetgipa poraiani onga. Ia lessonrangni bon-kamgipa Poraianide Katchinike Agananio gisik on-ani gimin chanchigrikani ong-gen.



19

Na-a Jisuni, Uni bon-kamgipa somoioni dongpitigipa mondolio napna okamaniko knachakna sikengama?

Nang-ni Aganchakani:

Nang·ni Sing·anirangna Aganchakaha

1. China, mande jelanio a-gilsakni bakbrini baksa ong-gipaona, nama katta on-titisan sokangna man-a. Indake ong-genchimode, sakantiona sokna ru-uten somoi nanggenma?

Aganchakani: “Manderangnade ian amgjiani ong-a, indiba Isolnade indake ong-ja, maina Isolna pilakan amani ong-a” (**Mark 10:27**). Sastro agana “uko matchote aro kan-dikate Gitel a--gilsako An-tang katako chu-sokatgen” (**Romrangna 9:28**). Apsan Isolan Jean Jonana sal sotbrini somoio songjinma gimikna gisik pil-china mikrakatna bilko on-aha (**Jona odhai 3**) gita bon-kamani somoioaba An-tangni kamko bakbak matchotatgen. Ua agana, Uni kamara aganna amsokpilgija dake ta-raken re-anggen je Isolni mondolina katnapgipa janggirangko rimchaksona amgjiani gita ong-pilgen (**Amos 9:13**). Isol ku-rachakaniko dakaha. Uan ong-gen – aro bakbakan ong-gen.


2. Ian namen kenani ong-begenma je an-tangtangko Kristianrang ong-a ine bang-a bebera-giparangan Kristoni re-bapilanina tarisojawa aro gimagen?

Aganchakani: Oe. Jisu namen rongtalbeen talataniko daka. Ua bang-anirangni gimin mikrakataniko dakaha jean ja-gao ke-atgen aro Kristianrang gimaatako man-gen: (1) Chawakao, (2) pekao, (3) janggitangna sinteao aro (4) gisikni jrimbeao (**Luk 21:34; Mark 13:34-36**).

- A. **Chawaka, ian maikoba dugaa dakani** – cha-ao, kam ka-o, poraianio, an-senge ro-anio, aro gipinrang. Ian rongtale chanchianirangko tik ong-atjawa aro nosto ka-a. Ian Jisu baksa somoiko ra-anikoba champengsoa.
- B. **Pekatanani**, ian agilsaknirangchi gisikku tusidapatani aro salginirangko man-na gisikna sikatgijianiko ra-baani ong-a. Jedake tilek anchaani noksarang, namgijagipa ripengrang, Sastroko poraina aro bina simsakgijanirang, giljani kamrangko kana simsakgijanirang. Indakgipa kamrang manderangko jumang gita janggi tanganiona dilanga aro indake gimaatranga.
- C. **Janggi tangna sinteaniara** Kristianrangko gimaanianona sokata jerangan jakchakpilgija chu-sokgipa namarangko daka indiba Jisuna somoi, bi-ani, Isolni Kattako poraianio, sakki on-ani kam, giljani kamrangko ka-anide dongjaha.
- D. **Tusidapaniara** gisikni gita tusidapani ong-a. Ian da-alo dal-batsranggipa neng-nikani ong-naba donga. An-chingni Jisu baksa nangrimani, bil donggija toromi ong-ani, aro Jisuni kamko namedake ka-na jechakani – iarang pilakan mikrake dongjaskalde, bebena somoiko ra-aniko gimaatgen.

3. Anga Isolni dongpitigipa mondolio nangrimataniko man-ahaoba kusi ong-aniko man-ja. Indiba anga mamungdakeba indakgpiledi diabolchi neng-nikataniko man-ja. Maini gimin iara ong-a?

Aganchakani: Maina diabolde Isolni dongpitigipa manderangko ka-o nanga aro an-tangni somoiko uamangko saknaatna aro ka-beatna jotton ka-enga (**Parape-a 12:17**). An-tangni manderang dake nianirango saknaaniko, diaboloniko saknaatanirangko, rakgipa somoirang, aro Satanoniko bilake saknaatanirangko man-jawa ine Jisude Uni manderangna ku-rachakjaha. Indakgipa obostarange Uni manderangona sokbagen ine Ua ku-rachakaha



(2 Timothy 3:12). Indioba, Ua rasong gnanganio ku-rachakaniko dakaha: (1) Uni manderangna cheaniko on-gen (1 Korinthisrangna 15:57). (2) Pilak obostaon, Uni manderang baksa onгна (Mati 28:20). Uamangna tom-tomaniko on-na (Johan 16:33; Gitrang 119:165), aro (4) uamangko mamungdakeba watgaljawa (Ibrirangna 13:5). Bon-kame, Jisu Antangni dedrangko kimkime rim-e rakkigen jedakode darangba uamangko Uni jakrangoniko ra-sekangna man-jawa (Johan 10:28, 29). Amen!

4. “Mondoli” ingipa kattara maiko miksonga?

Agnochakani: “Mondoli” ingipa kattara Greek katta “ekkleisia” oni ong-a, jeni ortoan “okamgiminrang.” ine ong-a. Jisuni manderangko a-gilsakoniko aro Babylononiko Uni gamchatgipa naljokani nolona okamgiminrang ong-aha. Manderang jensalo Jisuni okamako man-on, Uni bon-kamgipa somoini dongpitigipa mondolio napbolatanichi bak ong-aha. Jisu agana, “Angni mesrang Angni ku-rangko knara ... aro uamang Angko ja-rika” (Johan 10:27).

Nang.ni agananiko ba sing.anirangko iano sebo



15



16



17



18



19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Maikai Jisu An-tangni chong-motgipa mondoliko katchinike agananio mesokaniko dakaha? (1)

Changrogipa samsichi
Matburungchi
Ching-gipa sa-grechi
Rongtalgipa me-chikchi
Ong-ronggijagipa aramchi

2. “Bakrara” maiachim jeonan mondoli katangaha? (1)

Sikdikdikgipa biaprang jedake rong-kolrang, burung bolgrimrang, aro gipinrang.
Sahara A-gisi
Ira
Gobi A-gisi

3. Iarung sa-gre sakgittamni nama kattani bakrang ong-a: (3)

Babylon ga-akaha. Uoni ong-katbabo!
Norokara jringirotna kame donga
Isolni bichal a-bachengaha. Uko Uni rongtalgipa
Neng-takani Salko rakkianichi Uko mandera-bo, mitelbo aro olakkibo – jean Uni chin ong-a.
Rangkare sabisirang matchotaha
Sakantian jokatako man-gen
Matburungko olakkinabe ba uni chinko ra-nabe.

4. Jisu An-tangni bonkamgipa somoini mondoliko mingdok chinrangchi mesokaniko on-aha. Ia mondoliara: (6)

Bang-a namgipa Kristianrang donggen
Neng-takani Sal baksana Ge-eta Niam
Mingchikkungkoba rakkigen
Gisiko cha-chippilgiparang donggen
Nama nama Kristian gitrang gitrangko ring-e ka-srokgen Bijringgen
AD 538 aro 1798 ni gisepgriko ra-chakgipa dol ong-e dongja
Katchinike agananio gisik donggen
Ku-sikrangko agangen
A-gilsak gimikna nama kattani kamko ka-gen

Bang-a nam nama gilja nokrangko donggen
1798 bilsini ja-mano ong-katgen aro an-tangni kamko ka-gen
Parape-a 14:6-14 ni gitamgipa sa-greni nama kattarangko aganprakgen aro skigen.

5. Baditana ru-ute mondoliara bakrao ong-na nanggen? (1)

Bilsa bonga 1,260 bilsirang
1,000 bilsirang 33 bilsirang
680 bilsirang

6. Column-I-o donggipa symbolni mikkango donggipa oikor-ko column II-o donggipa uni chong-motgipa oikor-ni mikkango donbo. (6)

CHIN

- Ski rongchi 12 mukut
- Ja-arangni kamao jajong
- Drakon gitachakgipa
- Dongpitigipa
- Me-chik
- Sal
- Me-chikna atchigipa bakgitachak

CHONG-MOTGIPA ORTO

- ___ Bon-kamgipa dongspa
___ Jisu
___ A Sak 12 sninggiparang
___ Mondoli
___ Niam Gitachamni hom boli onanirang
___ Satan songsarek
___ Romechi kam ka-enga
___ Jisu and Uni toromi ong-ani

7. Jisu An-tangni manderangko a-gilsakoni aro Babylononiko Uni dongpitigipa mondoliona re-bachina okamengama? (1)

Ong-a Ong-ja

8. Maikai mandeara dongpitigipa mondolio bak ra-na man-a? (1)

Skiprakgipani jakko salam ka-achi
Lekkao membora ong-na soe ka-anichi
Napbolachi
Bang-a tangka paisarangko on-gilanichi

9. **Pilak mondolirangon namgipa Kristianrang donga, aro mitamrange je mondoliniba membr ong-kujaenga. (1)**

Ong-a

Ong-ja

10. **Iarangoni badia Kristianrangko mikrake donganiko gimaatna man-a? (4)**

Chawakani

Janggi tangna sinteani

An-tangni toromna dugaa gisiko ding-ani

Gisikni gita pekani

Gisikni gita tusidapani

Bebeo sakki on-ani

Songbadko poraiani

11. **Mande sakantina nama kattako ra-anganichi Isol An-tangni kamko kan-dikatgen. (1)**

Ong-a

Ong-ja.

12. **Iarangoni badiako Isol An-tangni dedrangna ku-rachakaha? (4)**

Tom-tomani

Uamangna neng-nikanirang dongjawa

Chegen

Uamang mamungdakeba sajawaha

Darangba Jisuni jakrangoniko uamangko ra-sekangna

man-jawa

Ua uamangko mamungdakeba watgaljawa

Uamang man-e cha-giparang ong-gen.

13. **"Mondoli" ingipa kattara maiko miksongchongmota? (1)**

Dingtangmancha olakkina dongipa biap

Bebera-gipa dolrang

Okama man-giminrang

Cathedral ba gilja nok

14. **Anga Isolni bon-kamgipa somoini dongpitigipa mondolini bak ong-pana nangnika.**

Ong-a

Ong-ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :

Nang.ni Email :

Phone Number :

Nang.ni Address :

City, District :

State :

Country :

Pin :

Bilsi :

Misi :

Nang.ni contact info-ko tik dake on.bo